

普潤大師六即頌

理即佛

· 動靜理全是，行藏事盡非；冥冥隨物去，杳杳不知歸。

名字即佛

· 方聽無生曲，始聞不死歌；今知當體是，翻恨自蹉跎。

觀行即佛

· 念念照常理，心心息幻塵；徧觀諸法性，無假亦無真。

相似即佛

· 四住雖先脫，六塵未盡空；眼中猶有翳，空裏見華紅。

分證即佛

· 豁爾心開悟，湛然一切通；窮源猶未盡，尚見月朦朧。

究竟即佛

· 從來真是妄，今日妄皆真；但復本時性，更無一法新。